

皇清文穎續編

皇清文頴續編卷五十

賦

皇上五旬萬壽恭賦

謹序

文 寧

嘉慶十有四年歲紀祝犁日次析木欽逢我

皇上五旬萬壽慶辰維時函夏康謐宙合熿眼晷緯
昭協玉燭登稔中外臣庶莫不連抃走趨衢舞

巷祝

上旣屏繁縟却貢珍顧

念羣下葵芹之私宜俾宣展

詔奏進詩文者弗禁臣夙沐

恩植至優極渥近復荷

聖主湔瑕錄用感激

高厚靡有量涯雖學蕪智淺不足導揚萬一輒殫竭

管蠡之愚仰窺我

皇上所以肇福祥延祉祚者匪侈

隆平之胥飾而惟

精一之宅心非矜

冕璪之凝嚴而在

宮廷之劼毖伏讀

御製原誠一篇

心法

治法兼總條貫乃知孔子所謂祿位名壽皆

聖天子之德備之

聖天子之德皆

聖天子之誠蘊之此中庸悠久不息之徵卽大易法
天自強之義也

皇上祿位名之得不待言矣茲者

疇福肇五

曼齡始基請卽必得其壽之理比事而揚摧之有如
齊聖亶聰函照萬有諷經不遺一字鑑物不爽一塵
靜虛通明吉祥萃止華封人曰願祝聖人壽此
皇上之聖哲必得其壽者也

躬

壇墮

親

禰嘗

典謨莊諷霜露祇

謁惟

天惟

祖

考昭事有恪不懈益虔詩曰永言孝思記曰恭則壽

此

皇上之孝敬必得其壽者也

奎藻雲縵

宸章天挺石室金匱之富虎觀麟趾之盛

修茂典舉上儀登崇俊良隆禮備樂易曰文明以健

此

皇上之文德必得其壽者也三省之蠶曠年不靖

皇上承

考訓運

神謨簡元戎肅軍紀采清野之議寬脅從之誅勦
兼用生殺互施七載而虜公告焉關隴之民
鄧之衆夔巫巴閬之黎赤出水火登衽席者以
億萬萬計不獨安徠徭之反側翦溟渤之鯨鯢
憺威稜而昭震疊也詩曰下武維周卽申之曰受天
之祜其斯爲

皇上之神武必得其壽者乎况夫

衣宵食旰不遑啟處

著君難之論

揭勤政之箴封匭削章月無虛日有或媮怠輒
嚴督而諄儆之歲時

舉蒐獮

覽風俗

肄勤觀德無非事者管子曰壽以政年此又

皇上之精勤必得其壽者矣抑臣聞之魏書曰尚儉者開福之源我

皇上敦樸性成珍奇弗御

親政之始

下詔停貢獻抑奢競斲雕爲樸與海內休養孳息宏納福祿之林此又

節儉之必得其壽矣孔子曰仁者壽

皇上至仁愷測量均禱載元年

普免天下正供水旱偏災

蠲賑不可枚舉

籌餼拯溺動輒百萬

咨賜問雨每形篇詠宣防之績疏濬之方祥刑弼教
之

勅

矜恤無所不至此又

寬仁之必得其壽者矣若夫

仁施濟以

義斷秋肅輔乎春溫詩曰赫赫厥聲濯濯厥靈壽考
且寧言出政教見尊敬乃壽考且安也

皇上刑賞忠厚執法不撓貪墨之員骹骹之吏輕則
寄棘重則斧鉞

大公至正懲一而警百十四年來賄門之塞弊竇之
除久矣非又

英斷之必得其壽者歟夫德全福備有道之榮也保

泰持盈無疆之慶也易謙卦六爻皆吉書曰謙
受益江海下百川而其流不竭太山不讓土壤
而峻極于天我

皇上有大而謙小心翼翼讓
善如弗及執盈如弗勝見之

篇什垂諸

箴誨者至詳且切微特曩者

凱秦之止今茲祝

嘏之邇

虛懷若谷卜

介祉於無疆也然則

皇上必得其壽更可於

謙讓徵之之數者分之爲

聖人之德合之皆

聖人之誠誠則博厚則高明則悠久天地之運四萬
一千四十爲章二千五十三爲節乾坤之策萬

一千五百二十爲大衍大衍之數以四十九爲
用以一爲體體卽所謂太極也漢馬融以太極
生兩儀兩儀生日月日月生四時四時生五行
五行生十二月十二月生二十四氣合之爲五
十之數其詮釋精密較京房十日十二辰二十
八宿之說爲勝在易爲太極在天爲北辰其所
以行之者一也一者誠也

皇上惟誠至是以德備德備是以祿位名胥得而壽

愈可必臣不揣庸陋謹取剡硯鋪采摛文之義
三薰拜手而獻賦曰

猗

聖皇之變宇廓億載而承基右契左繩外紐內維幹
坤軸運乾璣四氣爲政六合爲畿大瀛爲帶崑阜爲
籬恢以

皇綱曜以

帝暉龍見雷聲風布雲施措九孩於安孟裁兆姓以

鈿規殿殿隱隱攘攘熙熙蠖飛蝓動若其性行蹟視
眴知其歸十有四年光頊佶而邁軒羲爾乃罄地
放釐敷天

錫祐履馘祓禩介純麗撫積

茂算於華嵩延億葉之

洪緒闡苞甄符

肇祥基祚譬赫熾之方升伊川至而莫禦蓋我

皇之懋德昭監於

穹蒼申祐於

祖

考者不可覩縷是以諸福之臨麋至景附萬八千泰
元之筴萬一千大衍之數悉權與於

軒紀之開五也維時壤叟驚衢髦士操翰舞詠謳吟
于于衍衍競擷華而振藻儼霞霏而星燦究廷敬分
籥揣仰

高深而莫讚庸詎知

叡哲之蘊於宥密而

菲祿之適於伴奭乎曩者

誕慶華渚

毓祥青宮嶷嶷郁郁淵靜疏通迨

升熙而受籙尤

抱蜀而守虛雖宛心於衢室早榮鏡乎海邦疇有隱
而不燭曷有闇而不融亥步之遙咫於枌幪蔀屋之
幽徹於

帝聰虞織翳之或障激秋雲於太空

沈幾先物千里則應揆官亮采萬流雪瑩大業細極
材維其稱前疑後丞去維其佞猶且闢四門以納爍
列五聲而警政善旌委蕤於中達諫木森矗於

殿廷芻瞽之獻罔弗采風市之謠罔弗聽惟

虛懷以翕受欽

徇齊之益聖所繇濬發乎

睿謨而凝承乎

景命也若夫

園壇

方澤春

祈夏

雩

社

稷禋祀水旱禱祠嚴四孟之

烝嘗絜

九廟之簋瑚定降輿之節次撤比近之室廬新丹堊
於旅楹勤被飾於

齋居

躬升崇而酌醴虔

主鬯而執玉漑壘灌尊省鑊眡濯南禾北黍雞彝龍
勺牲柔犧剛俎水醢陸神茅告芬鬱秬用縮聳元瓊
之醑醪樹金支之煇煜振文干兮武羽奏雲英兮桑
竹樵蒸颺而焜上蕭光焜而四燭

皇朝詩林卷之三
天子穆穆以登降翼翼以肅將允
儲精而凝思直

臨上而質旁

一誠之孚不乍而盈

九擗之儀已事而獲

天

祖歆而降監畀福祿兮無央

聖訓神謨

五朝鴻寶

魏功煥章祇適

純考日環周以莊誦欽

至德與要道

橋山東西歲舉禋肇郊岐

原嶽

展謁躬造勤六飛而莅止軼朝豐與燕鎬夫維緬

締構之艱難揚

光烈而纂紹惴惴僥僥

堯襟舜抱優愾聞見傍徨幽眇於以荷

列聖之垂鴻

眷孝思而誕保至乃

右文稽古

闡道崇化憲則黃頡甄育媯夏

念典星夙

研經午夜

振藻味餘

灑翰幾暇

御集刊布天陶地寫漱六藝之膏液濟史傳之鬱炙
挾左邱之奧宦闢杜甫之堂舍陋晨露與卿雲孰漢
唐之作者龍威冊府秘籍瓊篇瑯嬛石紐宛委瓊鷲
掀倚五嶽噓吸九川屬

寶籙之告成歲

宮史之新編三通竟其剗刷會典疏其委原輯雅頌

於

熙朝蒐掌故於金鑿文薈燕許志增固遷更博徵夫
麗製擢若穎兮聯翩偉金玉之追章倬雲漢而炳然
農祥晨正土膏脈起冷風扇乎清暉

舉四推於黛耜

講殿春做鵬行鵠埃聆

天論以發蒙飮湛露而色喜瞻豹翹之被緘

賁法從於園雍望鸞旗之旖旎

幸蓬島以從容戴匡耀芒

詔新豆登五緯珠汁髦舉以烝策渥注之騏驎網勸
解之鯤鵬漸雲衢而玃羽濯天池而躍鱗制科疊吉
士登宗支擢瀛選增帀九野而軒舞臚頌聲於八紘
蔚金幣兮玉潤歌景鑠而祝

升恒

文教既覃

武功載戢憶三省之滋蔓淹歲月而苞蘖市雷夕而

蟲喧穴雨朝而蟻集遂乃

燿軒鏡走天狼揮日戈埽欃槍

申明軍律

宣布國章分析功罪區別莠良簡虎豹之桓桓建旗
鼓之堂堂雷擊霆摧颺舉雲驤始承

方畧之授繼殫

密勿之運餉不糜日兵無殷刃野屯堅壁氣作嚴陣
時雨過而知

恩德風偃而從

令寬彼脅從執其馘訊倒戈請繫厥角效順蓋七載
之奏膚一稟成於

睿算其他伏莽煙沉燭燼因壘而還曾不及瞬投書
犢於潁水戲銅馬於嵩鎮偶島夷之闕伺懾

天威而不進蹶舍沙之短螿翦噓氣之潛虜鏡海鏡
波紫瀾灑潤肆洗兵而偃伯遂弓囊而甲冑安不忘
勤逸不敢休

命詰戎而講武肄秋獮與春蒐

親上蘭之弧矢導南苑之旌旂
獻肥草淺獲不盡劉
士飽馬騰力無殫究於以抗
稜八表警慄九州會文
閭之萊幣羅下國之共球
僉來享而來王翕鱗集而
仰流古云神武不殺宜合寰
寓而蒙

麻矣抑此未足盡

聖人之行健也乃若

寅紹

不圖酌範洪憲夕惕若夤味爽惟顯雞人詔而

求衣明星晝而

傳膳

批答封事

引對嬖殿

疇咨若采罔或息燕

撫五辰以熙績歷寒暑而靡間

嚴六御於行在亦秉燭而待旦鑿周文之食昃惜似

禹之畧寸

炳心鏡而日周

運天鈞而氣轉揭芬楣之

箴訓迪羣工其疊勉

一人勵精以司契百職緣督而自勸我

皇之勤民若此會何有於三五之登闕而億兆之於
變於斯時也民物康饒井里殷闐坤輿效其媪藏川
岳阜其儲珍三光宣氣而導蘇百產雲互而星陳

天子覽萬邦之職貢撫四海之圖籍席豐履泰何惡古昔然而

持盈圖匱祇祇惕惕慮淳風之易漓而澆俗之難易也於是捐犀象抵金璧却筐篚惜繪帛雕幾屏而不御綈衣敝而不革

示返樸而箴奢期損上而下益裁供帳於

行殿節侈費於傳驛禁大吏之苟苴戒庶僚之封殖義利之

辨彰孔桑之議斥凡以裕本富於閭閻重民依於稼
穡且

聖人之仁民詎維

示儉之云乎初元

賜復海內普蠲歡聲雷動徧於瀛堦值八蜡之偏沴
或三鬴之不贍夕騰章其甫入朝

沛澤而已宣口率寬庸租賃振之餼之鉅萬靡愛截
飛芻於水次給籽種而秉耒饑舖之食寒拊其背嬰

則有育者則有賚恢靈囊以大包直齊量於覆載豈
特

渥恩籌八纛之生

敦本厚九宗之誼惟刑之恤

戒之敬之惟獄之淹

敕之命之捍桑渾使安流道淮泗其底定濬雲梯之
壅闕夸竹箭之剽勁恬海如鱗翁河如鏡

躬相度於一沽宏保乂於萬姓蓋澤無肅羽之罄而

室有夢魚之慶且夫氣有舒斂政有張弛露雷因乎
二氣賞罰順乎四時是以離日朝升太阿手持八荒
竦動九牧整齊貪狼伏其斧鑕害馬就乎誅夷嚴饗
養之罰嘉悃悞之司

製懲蠹之詠

賁憫忠之詩苟臬瑁其勿庸矧鐘條與戚施惟直諒
之是旌鑿清冰兮素絲斗甬正而

法敕侵牟除而

績熙十二材率其職二百屬得其宜美是以
垂裳指筵超皇古而作

君

師

化光提象

道隆蜚佻泱寓雍怡縣區顛謚嘉祚洵臻殊祉艷
芝九葩而成蓋雲十色而聚澗洵足以張樂太紫之
庭設讌顛天之臺山歌海舞雲被淵回家賡樂只人

頌康哉軒乎鬯乎岡阜臺萊罄癡航而嶂輦充

禹膳與

堯杯而孰知

聖德撫冲

宸襟淵穆

馨烈彌炤而

寅畏常若不足

鴻業藻助而

凝承每不自覺雖昭景而飲醴猶

幹璇而調燭雖成天而平地猶寘薪而捷竹儀羽耀
其蔚跂且廣抽乎淪玉頽實盈其棲畝益思艱乎樹
獲

慶典舉而仍抑

覃恩沛而何速遂乃升香嶽瀆薦俎帝王絜蠲牲醴
之饗言詣金絲之堂增爵秩於千官出珍異於

上方申之以蕭露燕之以笙簧秀士擢其英翹耆儒

賁之采章駘背鯢齒鏤佩柘裳鳳銜

詔而高騫星貫索而舒光孝義貞順之門嗟峨乎綽
楔惇鰥廢疾之養充羨乎餼餽逋蠲而農樂緯耒稅
豁而女欣執筐綦冠紆組之采貢金納稅之服含生
負氣之倫重舌左言之族莫不仰

高厚而戴

尊親願揄揚其誠怒驗風測水星餐雨沐雲合響赴
轅乎

輦轂鑄金祇樹之林獻瑞聲風之木頌我

皇之冠德卓蹤甄禔襲福承

熙洽之隆軌軼黃唐之高躡繼自今國圖日鏡

皇祚天悠

上下神祇報以山岳之算

宗廟聖靈貺以曼羨之籌薄海蒼生所以

薰載之永殊方絕域祝以

祉祐之稠蓋億萬齡之祥符瑞牒總肇基於

五袞之春秋夫乃信我

皇之壽本於

德蘊於

誠而致之有繇也

小臣

不敏粗述塵畧懼墜一而漏

萬徒手胝而心忤敢申頌言敬效敷推頌曰

於鑠

聖清篤生我

皇承

丕緒兮昭宣

重光

化則敷文

功則奮武兮

手提天戈以搗旬始靖區宇兮

運鈞開模左執準繩右規矩兮一民同俗職職植植
莫敢迂兮漸民以仁摩民以義薰下土兮

乾乾栗栗日慎一日馭六馬兮

天

祖昭格保佑命之錫多祐兮萬方介壽曰至于萬年

縣

寶祚兮

皇上五旬萬壽恭賦

程邦憲

皇帝御極之十有四載恭逢

五旬萬壽慶辰幅方夏而鴻鈇翁人寰而諧祉冠帶
之族筓狗而闕呼壽幡之氓墮熾而忭跂迺有頌嘉
大夫越

闕祝

釐蹀班展禮觀福應之緝縻驟吉聲之嘉嘏悵舞悅
蹈不能自己既退迺謁播德太史而稱曰粵若成鳩

之道且歷者萬八千齡仵蜚之期鋪衍者六十四氏
燿乎十象之圖炳乎五龍之紀亦越真桐訪瑞而瓊
笑洪延參斗感精而璇符泰啟靡不甄貺受祺發榮
揚偉然未有休徵紛紜奇物譎詭總衆瑞之萬千肇
聖壽於億秭如今

天子者也猗我

皇上紹統披元循機敘軌邁扈方羲越姚超妣惟
聖人得一合清寧貞以引禔故異瑞有三兼天地人

而思躋足下習熟見聞寧無以導敷盛美乎太史曰
夫遼溟渤之廣者未可以蠡勺劑也觀乾坤之容者
未可以粉藻摹也顧慙身陋忝奉

都俞願吾子之博我以

皇道而宏我以

帝圖大夫曰唯唯蓋聞泰階六符則九寓調暢絳宿
同色則百姓寧昌是以卿雲叢庭而黃籙永景曜出
翼而耆運長伊顛穹之成象尤曷奕於我

皇不見夫睽瞍燦赫者珥冠垂暈之精芒煜爚欽絕
者格澤蓬芮之燦光霄憲雷兮蔚慶霽氣清澈兮若
雨暘時則中宿指昴令月逢陽結璘吐延年之月鷺
軒轅零益算之瓊漿而熊熊雉雉彤彤熿熿熿蹙蹙
電照宇燭闔霞葩華於辰極頰龍燭於丙方四海覩
而喜溢萬人指而歡鵝厥爲南極星見而曼

皇壽於無疆此非天瑞之輝煌煥炳而紀慶於保章
者乎至若耨達之源支祁之窟禹殫胝胼堯谷墊溢

更有無定淵濛桑乾溼漱沈玉徒勞攀交易決歷代
號爲難治而底定告於今日瓜蔓波平荻苗沙刷檣
駛漕艘鋪休渠塌黃淮順軌宣房瓠子之堅防沽淀
恬流癸趙王燕之

駐蹕於是函香而

遣星卿馳輶而申望秩肝蟹燦訛焄芬秘醇靈物設
賑祥符菴蔚禋西嶽則玉羊出而躩踞禮東岱則金
雞翔而翻穢登會稽則銀簡泄而曠臨謁嵩少則絳

皇清丁巳歲次
卷三十一
三

噴趨而呵噓享炎溟則靈若朝而碣磻歆德水則榮
光冪而渾淳此非地瑞之紛綸歲蕤而苒

嘏於衢室者乎又若幅員蔓衍球玉琤臻南軼越裳
象郡東徂鯁倭弁辰北徼突厥利幹西殫疏勒休循
文鉞碧罽紕扇善芳之賦禽管路竹渠犬俞馬之珍
靡不篋琛航贊繩度麟輶警慄戢香嘔欵殷侁徠重
譯而祝

紫宸至乃

天庥禱禱

聖澤鴻津家飲雉鼎之味國禦鳩杖之民則有袞僚
平格牧伯耆臣身入圖畫望如鳳麟洎夫榮期之侶
絳縣之倫伏生轅固江翁杜春沐浴

德化含咀甘淳寵以稽古之車服齒於登瀛之籍神
旒鵬耆於琳綬醉鶴髮於玉尊迴青牛而掌史舂黃
綺而扶輪此非人瑞之禴禩祓祜而哉

福於

聖人者乎我

皇上乃蒼元符答神祐儀坤基翌乾構湛樂胥樹恩
厚開明堂環列宿位天座於斗樞滙寰海而輻湊班
亥陞與寅階仰已蔽而辰繡輝庭燎於螭幻爛藻井
於虹窟颺瑤蓋之金華篆爐烟於銅獸則見天潢振
洗鉉輔左右次日月之省勤兼文武而績懋節鉞屏
籓貂璫勳舊省曹郎官掖舍俊茂奉簡珥彤儕佚比
翰參以滇壤屬國之外臣錯以塞垣列部之世胄紛

繡錫而蔥珩羅琛板與綢綬鴻鸞躋蹠鵠鷺先後爾
乃華鯨鏗雲韶奏球石戛般雷响鎗筆陳羽葆表愷
宴申筵几授百禮旣舉萬樂咸究堯厨之蕙潔羞伊
鼎之羹佐豆擘麟脯而紅鮮烝楚苗而芳糝羣歡旣
洽讓福多又迺有元臣奉觴颺言曰臣聞義經大衍
之數五十願以乾坤二篇之策爲

皇帝壽

紀元屆乎二七少陽肇生如晨穀初輝若英椒觀曆

以爲此觴侑大夫之辭未終太史噴然而訖曰盛哉
乎上儀亘古大律丕天宜子之鏗鉤震耀揚厲於無
前也且我

大清之受命也殷

列聖之光靈敷九圍而式序

世祖龍飛布昭聖武肇造我區夏綏靖我士女
聖祖上仁民孩物乳積惠綿區襲恩浹宇逮我
世宗肯構作堵釀化懿綱宏規英矩

純皇帝燮光烈而惇叙之珩熙洽而噢煦之蓋用昭
明寅畏以祇承聿懷多歷年所

放堯勲而不倦勤披

鄂保而以篤祐我

皇上念

付託之鉅兢兢愓愓業業恒恒式典型於

周文稟律度於

神禹

燕謀適黃序之謨

寶訓凜金枝之緒日三

朝乎

寢闈離兩作乎辰宁洵

達孝之通神恢憲章而法

祖至於羹牆陟降凡筵慕思儼禋假兮如在懷繼述

兮昭茲詣

留都兮續舊服謁

橋山兮溯

帝基混同歎欲長白崔嵬蒲連巨鬱巫閭滙奇石馬
猶汗天柱插霓觀締構之遺蹟益竦切於紹衣

先典無斁

寶錄載披姒訓姬謨兮咸正無缺皇春帝夏兮時各
有宜斯我

皇之觀光迪喆對越

在天之創垂也基單心於宥密嚴昭事於

上穹

圓壇

祈

雩

迎日仲冬斂精壇室凝慮齋宮視版夙戒奠璧升中
方澤母事謁款黃琮膠瓚泔鬯蕭鄉豐融懣僚兆觥
愜孚愷恭協霖颶而嘉降謚嘘噏而潛通矧乃立民
極宅天衷

省惟歲綏屢豐服縹輓兮總悖翼紫軼兮蒼龍告祥
晨正曰卽康功

題繪於耕犁織躡課候於莒雨杏風塵

清問於幽隱卹庶邦之正供此我

皇之敬

天勤民虔鞏

聖念於靡窮也抑且

聖本生安

念猶典學七聖之途不迷九主之圖在握敷

御論於講帷置聲金而振玉固已統合

君師性先知覺迺復

敕命惟幾省成恒勗仄晷忘餐具明

御幄

批章而洞鑒否臧

宣綍而兼權溫肅殷晝接於臣僚勵寅恭於鈞軸戒
留諾於諸司飭量吏以率屬此我

皇之懋德茲政至誠同體于於穆也

天縱

至聖幾餘佂奐講藝立言華聲義幹孔思周情同揆
一貫禕

皇極以敷彝洵昭雲而倬漢

言志作詩遇物染翰肖化工爲雕鐫流元氣之浩衍
時進廷臣而

命和咸末由導涓宗瀛而擴壤日觀至乃

泣辟雍行釋奠列儒臣從俊彥臚

御筵析經傳圖橋聽觀駢肩接趼開石渠登茂選出
祕書而播惠苑林陋蕭編而纂文史院曩者偃伯久
徵潢池偶煽決勝

宸謨握機

睿算簡神策之虎臣出伏飛之銳健掃穴犁巢轟霆
擊電落欃槍於楚疆蕩么膺於蜀棧騰露布於蔗功
唱鏡歌而凱宴遂乃烏障消烽騎音革面威暢乎井

鉞參旗稜儼乎天山月竊斯我

皇之揆文奮武緝熙介寵於

昊眷也若此之云乃

聖人所以翊載流祚荷衢提釐億萬年溥將景命之
基也然猶日慎一日不失肅祇

躬巡行乎畿甸用貞度於游豫勾陳戒塗大丙效御
闕戟前驅蜺旌靡路屏供帳之奢恉悅氓隸之豐燁
視河堤厯通路滹滏合流潮榆奔注拒馬豬龍之導

疏二泊三岔之築護所以時蓄洩拯衆庶除燒苛行
補助繞獵暑艾趨趨婦孺振袂颯颯灑汗成霖相與
繞

黃屋迓

鑿輅如嬰赤之近乎父母者蓋千億數而猶慮三輔
之外六幕之內情或雍於上聞而膏或屯於下濟也
偏隅告青

恩詔誕宣蓋薄征載於周禮賜半躉於漢編惟我

朝累愛積厚暢垓沂埏史不勝書糧賦

賜全而截漕發帑征緩租蠲水衡之錢山積海陵之粟雲連凡舍甘吮滋於化字者尤頌

聖德之如天至乃察吏上廉

崇儉辨義則允元慎憲之疇咨金心則中銀手如斷則鑑奸鋤慝之英規爽鳩停刑鵠鷄出網則好生協中之惠慈欽修

玉牒科登宗室則明德睦族之文思

恩榜掄英繁林翹秀則作人烝髦之昌期

狩塞柔藩詐馬教馳則詰戎懷遠之聲威按六籍而
稽往牒揆萬禩而較茂徽偉矣美矣固未能一一盡
諸辭也斯卽紀歲琳札書元策府夫固容成所不能
占隸首所不能數撓甲之術所不能眩潛筭之竿所
不能譜今子不恠其本而末之及憐陳應圖合牒之
馭沓而弗惟上下相發允答悖臚轅童壤叟之吸呷
而弗覲天人之際所治是猶觀流水於江河而第溯

游於潔澗逢穹林於泰巔而直攀翫其枝葉也毋乃
戴九重而昧其暎乎大夫懼然趨避席而言曰始
子以爲

聖人御世星虹鑠精躔宿降逮部神符合靈契固與
衆庶有異聆繹讜言昭晰禕懿迺悟天保之頌本乎
鹿鳴嘉樂之歌颺乎般賚是卽累五嶽爲海籌以益
崇嘏傾四瀛於

壽尊以衍元會而

聖人兢兢乎惴惴乎方且緝穀履宅醇粹緝熙乎
皇緯而昭通乎

昊綽何幸併

聖人之宇而燾覆我臣民於永永無旣也於是夷懌
喟凝冀軒而退

皇上五旬萬壽恭賦

擬唐賦十篇
謹序

齊彥槐

嘉慶十有四年冬十月圖書亮章嶽川修效不
應

聖天子五旬萬壽慶辰維時東際日出西踰月支南
邁越裳北亘祝栗沙度繩行之域圓顛方趾之
倫靡不鼓舞饗軒思所以爲

聖人祝者

皇上淵襟自葆

謙德彌光

飭臚愉之靡文

布均禧之令典宏科

籲俊

錫類推仁吏晉其階老賚之帛窮檐芘夏闢土生春
愷澤雲行歡呼雷動臣惟五三六經載籍所傳人臣

之頌禱其君者莫隆於天保顧詩兼比興而天
保之六章皆賦蓋抒下忱宣上德惟賦爲宜欽

惟我

皇上挈乾端坤倪之精

衍帝夏皇春之算自

敬

天

法

祖

立政誠民以及

文治之光昭

武功之顯燦實循蜚疏侂以來所未嘗有比年

詔開

皇清文穎之館又

命儒臣編葺全唐文以

嘉惠海內於

日升月恒之會發星燦雲爛之觀與詩所云倬漢章

天壽考作人者同符合契蓋天地之文於是乎

極盛

聖人之壽亦於是乎悠久無疆也夫唐人於文無不善而賦爲專家故杜甫有三大禮之獻范榮有三無私之作大都鋪張闋休揚厲偉績以申其無窮之祝抑亦雅頌之遺

微臣
遭際

盛時厠身詞館就

日瞻

雲但知歡忭窺

天測

海莫能形容謹擬唐賦十篇拜手稽首以獻

盛德日新賦

擬王粲

聖天子襲坤輿規乾則

執契鄭元

垂衣表式暢九派八

凝鼎命於黃純

咸五登三

鞏泰符於紫極博厚高明悠久不息者

誠剛健篤實輝光日新其

德與物爲春惟

皇至仁八荒覆冒萬類陶甄宅宅爾而田田爾雨
雨人而風風人飲到

堯樽壤叟與衢童並飫祝來

湯網林禽偕敷獸俱馴

立中正惟

皇至敬秉玉燭而調四時在璿璣以齊七政孟之奠
則安益求安囊之包而

聖不自聖

肅雍宮廟潛通

蒼昊之心

律度聲身恪凜丹書之命

萬幾孔殷惟

皇克勤

宵衣視事

肝食籌軍弼教惟刑

清問屢垂於獄慎厚生在稼

時巡切念乎耕耘川滌澤陂圭告成功之水府修事
治琴調解愠之薰九式用敘惟

皇克儉

履盛思艱持盈若歉茅茨蒿柱以清雕鏤之源阜帳
綈衣用杜縑綸之漸屏珍奇而弗御越人何取乎珠

船斤符瑞以無言泰岱不煩於玉檢用是榮鏡寓宙
暉燭山淵旣甄虞而育夏亦鑄頊而鎔軒洋洋乎

帝之上儀也蕩蕩乎民無能名焉且復旦兮光華四
海仰

初升之日乾重乾而至健萬年瞻

廣運之天

學殖賦 擬張泰

仰

皇猷之廣大企

聖道之高深旣金聲而玉振亦海鏡而天臨

遜志修來念終始典於學

基命宥密於緝熙單厥心懿夫

睿本生知

聖由天縱虎闢敦格致之功鶴禁究治平之用

孝子惟孝趨

庭則海潤星輝醇乎其醇

摘藻則夏謨周頌蓋當初潛四躍之先已

集內聖外王之統暨乎

重華協

帝六位乘乾

基承

面命

訓秉

心傳乙夜清勤雍容藝圃

萬幾餘暇噴薄

思泉色煥琳瑯啟

五朝之

寶籙編名宛委搜百代之鴻篇大哉一哉茂矣美矣

十行之詔如絲

五色之文若綺

箴垂勤政之規

說著慎刑之旨黃鍾本萬事

論精乎黍尺葭灰

玉牒衍干春

訓切於瓜繇葛藟至若秋垣

肄武

春殿

敷文

齋宮望歲

秘閣迎薰

題來耕織之圖幽風七月

紀到磨崖之績丹浦千軍萬象

抒懷豈是蟲魚花鳥庶微入

詠非同月露風雲是皆蘊蓄

堯仁發揮

舜智陶冶

軒情鑄鎔

昊思風賦比興雅頌而詩之六義基本誓命訓誥典

謨而書之十體皆備此文章之道所由與政治相通而

帝王之學所以與儒生迥異也

南郊賦

擬徐彥伯

憲

天惟

聖敕

命以欽

撫五辰而凝績

統萬彙而澄心懋孜孜於夕惕亶業業於日臨

德至包元一理闡

原誠之論

仁能饗

帝三微杼昭事之忱卜日用郊曰惟南至周肇祀而
先柴虞用禋而肆類

皇帝鳴玉鸞揚紫軼載龍旗驂象衛星陳天行淵旋

雲被陟於

南郊就於陽位

雖宮疑靄方陳雲物而書祥

穹宇升香爰涖

泰壇而祇事三階既晉五齊必豐
既豆籩之嘉潔懷

肸蠁之昭融夤儀備於垓圉

天節弭於帷宮四壁留

題手澤切瞻依之慕萬靈屬御

心齋先宥密之通乃致精禋乃升嘉薦廣樂四陳元
酌三獻高燎赫其暎霄蕭光炳而燭電

誠意達於圭璋

睟容肅於瓌弁憶昔

堯壇上告荷

寶貺而寅承卽今泰時中升耀珠弧而丙見且夫神
尊富媪典重泰圻惟

坤元之厚德配

乾造之鴻儀祀並隆於

方澤禮成秩於

地祇

九重薦郅治之馨九垓斂福

兩極闡元模之極

兩大侔規若夫夏澤

雲龍春壇

祈穀三祀豐融

一誠祇肅孚

昊綽以居歆雍

神庥而納祿康強驗箕範之徵保定叶周詩之祝

奉三無私而怙冒式膺

靈筭於珍符合九有截以

懷柔更秩明禋於岳瀆

朝享

太廟賦

擬杜甫

聖天子靈承

大寶紹麻

前光緬厯鴻於

謨烈致愛慈於

烝嘗備

隆儀之炳辟昭

至治之馨香瑞鼎膺華於璠卮鉤鈐耀彩於紫房

德厚流光仰雲松而對越

功豐報遠瞻日藻而禱禋爾乃宿戒乎

齋宮思成乎

太室洽有壬於百禮卜先庚之二日元鶴續纒以駸駸
旗福草歲蕤而承

蹕輕宵物色玉柱霏烟肅且光華金枝麗日繩繩
雲步鏘鳴肆夏之音穆穆

天容潔薦六彝之實然且

淵衷邃爾

遐慕悠然晞景乎

詒謀之始羨思乎

創業之先黑水干支祥源浩汗白山萬仞福壤延綏

稽

三觀之茂典釋

四巡於曩編如覲

羹牆黼構之升馨弗懈每懷

弓劍

珠邱之報禮尤虔於是出震飛髻資陽植羽泣乎

陪京循乎故土卿雲承蓋陰垂俄朶之城甘露如珠
潤灑混同之渚浮蘭合鬯醲假無言淳桂舒薰煮蒿
有覩懷

駿烈而甲啟十三煥

鴻篇而詩賡百五於以告嘉至於以奏休成獲作人
形而表瑞榆膺神號而敷榮

閣峻崇謨炳

天章於太乙

殿宏大政闢

皇路於由庚

績紀杏松想風雲之張王

會聯桑梓樂禾稼之豐盈豈惟卑漢代之枌社抑亦
邁周家之鎬京然後迴

鸞輿紆翠葆

臨澄海之高樓望蓬萊之遠島

覽式廓之輿圖憶艱難於

締造用特性以格

藝祖歌鳧鷖以送

神保五千里黃流瑟瓚申

景福於無疆億萬年祿字膺圖頌

曾孫之有道

駕幸太學賦

擬朱休

帝德文明作

師作

聖典學日新爲章雲盛翫圖史以

怡情味義農而

悅性

丹筵論道洪宣理窟之精壁水

觀文齊仰

皇流之鏡原夫儒風敦勸國學誕興懷經者秩秩習
禮者繩繩道源富於海會儔彥鬱其雲蒸光崇首善

之區鴻都暉藹學視大昕之典鼙鼓聲徵於是宗伯
草儀容成練日象衛旣駕

鸞輿乃出方神屬御以戒塗天官景從而扈

蹕羣髦津寄泝原於園海之流

萬乘天行弭節於大成之室

帝乃展容式禮秩祀告虔登芬鼎俎致絜堂筵接靈
歆於往聖普嘉薦於諸賢俯拜循而

躬肅欽饗格而心蠲山仰宮牆契精微於孔思壁闡

絲竹合節奏於軒懸

釋奠既成

講筵斯啟

推衍元文恢張聖理三綱領抉經之心六卦爻闡臨
之旨園橋雷怵

皇言如振鐸之聲橫塾風濡禮肆多執經之士於時
惇師式憲秀艾咸臻彙章逢之繹繹執俎豆者莘莘
零露漙漙而飲

澤承筐優渥以沾

仁六學歡歌齊上辟雍之頌

十行恩詔濃生儒館之春况乎賓貢興賢

承明校藝匠翹秀於薪樞跼榜華於杏桂麟振毓瑞
增題丹籍之名鶴髮窮經更上青雲之第信達路之
允升宜英材之爭勵若夫天開壁府地豔蓬瀛欣迎
丙馭暢接

宸情仰

奎題而榜耀和

天藻而詩賡並看梧藹周岡四表沐

文思之被豈獨芹敷魯泮一時欽

雅化之成

藉田賦

擬李蒙

邦以民爲本民以食爲天伊古聖之有作必躬耕夫
藉田於以奉粢盛昭格之誠達於以勤稼穡敦樸之
俗宣百人農而一人居王猷鬯矣九年耕而三年蓄

國用豐焉

皇帝政務先勞治期茂質致三登於泰平陳一篇之
無逸物土宜以爲利澤鹿緹羊本人情以爲田風箕
雨畢先辛

祈穀已昭秩祀於靈星練亥敷膏更迓祥光於曉日
於是雨師灑道風伯清塵蒼龍擁御翠鳳扶輪望杏
開田千畝之前經可考瞻蒲

秉耒

四推之茂典恭循玉磬金鑪韶樂共農歌互奏紺轅
黛耜

袞文偕卉服同春爾公爾侯或五或九觀耆夫兮灑
種命庶人兮終畝祥雲芬郁彤開夏甸周原瑞露霑
濡綠潤舜慈堯非他日

神倉納祿九穗雙歧此時

帝猷翠春一墜千耦蓋

聖人防儉於逸圖匱於豐

省歲則義和命首劭農而孝弟科同事開乎成易作
訛故無荒而無怠典重乎烝嘗祠禴故必

親而必

躬

念切四秋

詢雨暘於環海圖披七月譜耕織於屏風至若夏暑
冬祁山礲澤滂雖小沴以猶咨每織災其必告損土
益下租捐雁戶之逋劑盈酌虛額減魚鄉之漕水衡

錢發則庶草風行

天庾粟移則芄苗雨膏所以

皇躬介祉物象凝麻地滋稔黍

天錫來牟屢豐兆歲百寶登秋綠浪紛披於南畝黃
雲匝匝於西疇鑄劍戟爲耰鋤民安叱犢使菽粟如
水火宇芑成鳩餘一餘三寰宇慶逢年之樂時萬時
億倉箱爲添

壽之籌

偃伯靈臺賦

擬諸實

國家盧牟六幕襟帶八垠醲膏汜宙協氣流春金鼎
乾坤措四方於蕩平正直玉衡風雨聯萬姓於康樂
和親雲鷄海鰈之區咸知飲化火鼠燭龍之域罔不
歸

仁頑矣苗民蠢茲蓮匪自外生成聯爲奸宄斗米炷
香之術妖也如狐鍼工幾役之徒聚焉若螳以其巫
蠱爲大地之莠稂雖曰公麼亦烝黎之瘡痍

皇赫斯怒

命師以西

抒九地九天之籌策

訓七步七伐之止齊若火燒蓬鼓風輪於隴坻如湯
沃雪懸

日轂於天梯蜀棧雲連宵宿曾無吠犬秦關旭上朝
行但聽鳴雞况復驅鯨鱣而風恬斷鯨鯢而電掣靖
瀛海之妖氛蕩萑苻之窟穴重樓蜃吐彌增溟渤之

輝絕島牛耕不畏波濤之齧張石帆於鯢渚聖姥神
通駕琛舶於魴溇婆羅忭悅

天子於是韜兵蘭綺

肄禮蒿宮

詣靈臺而偃伯

開明堂而耆功平淮釐瓚之晨鳳梧拂日宴鎬傳杯
之夕魚藻含風枉矢威弧天上但懸星宿埋輪洗甲
人間無事兵戎若夫海子

春蒐木蘭

秋獮上塞山高平原草淺控縱

虬驂逶迤

翠輦馭皆驃裹之良人盡熊羆之選白羽疾兮星馳
紅旗翻兮騰轉是又兵不可以無備

順時宣天地之威藩不可以弗綏

柔遠率

祖宗之典

河出榮光賦

擬呂溫

聖人在上川瀆效靈河流順軌澤國底寧緬德水之
祥符洪波蔚蔚觀榮光之顯瑞休氣亭亭蓋昔爲伊
耆之符應而今表

帝德之淵渟也粵以昭陽之年偶有封邱之決突金
埽以泔滌趨清流而紆譎上聞於

帝軫環堵以

情殷

誠籲於

天顧舉菱而

念切乃

飭畚鍤繕堦堤具薪玉禱馮螭人力旣集

天貺弗稽浹日神廳竹箭之驚濤障北一時兌澤桃花之汎漲還西於是湍悍旣平淮河自駛徐揚有沒利之機汶泗見暢舒之美漕艦銜尾豆花瓜蔓俱恬防堰犁眉竹落石甯並砥觀疏濬之策釐然知

允猶之翕偉矣若乃析木分野是惟淀津離奴之藪
渤海之瀕潦溢蘆溝長堤保障塙修螭螂樂土訢閭
歌苞桑兮鞏固望

翠輦兮

親巡

皇用鑒輿情備

法駕

闕視瀦防

省覽耕稼我澤如春民諺有夏九十九淀之水向滄
海以朝宗七十二沽之民徯

福艫而歡迓惟

帝心厯恤乎民依斯川后永綏乎

仁化至於萬派底順九州攸同澤鮮飛鴻之羽野無
弗鳩之工雲帆轉而五色耀珍物玃而百谷通方將
擬膺圖於義后遭受祿於妣王五老來遊晝觀星精
之降巨查環繞宵騰海嶠之光不獨島國溟臣畢仰

皇仁之普汎卽看靈旂紅纛咸欣

帝澤之流長

登春臺賦

擬陸贄

三皇之世如春四海之熙有象擴

壽寓之恢闔瞻

天門之誅蕩麗日冠采而煦暄和風振萌而條鬯
解澤於垓埏賁層臺之高閑雲集絳闕烟霏麗城翠
彩耀千官蕤羽丹暉耀五等華纓金絡銜和於北院

玉珂肅響於西清桐拂輕葩佇翮朝陽之鳳草鋪細
琰時鳴出谷之鶯望旒霽於黃圖驗祥甘於綠野彤
檐行榆社之間露網憩棠陰之下頽春綺陌處處桑
鳩課雨星圻村村秧馬宣

天上之溫綸花人間之廣廈則有譽髦組緼齒胄矜
青聚環林之蒨蔚游璧沼之激滄桃李醲敷其跗萼
茄芹蘊發其芳馨綾紙頻頒見藻校書之序殫錢
渥賜鴻鸞含采之庭春蕩蕩以無垠臺岩岩而有社

順陽候而膏澤惟均鍾豐物而嘉生成旨青函則賦
減丁男絳縣則年書亥字無俟舞雩以詠羣欣

化日之舒長寧同觀蜡而登式樂

皇衢之平砥抑且甘流竹葦煦及昆蟲調陰陽之愆
沲參消息於霽雩置金雞而銜夫幡絳捧畫鶴而貫
以繩虹譬黍谷之吹回暖律類卷阿之薰習溫風惟
斯臺也藉仁宅以爲基植禮防以爲幹苞江海以貫
維籠嵩岱以樹翰醴泉周流乎其傍崇蘭芬馥乎其

畔故能陶庶品而共慶棣通躋一世而俱游伴負懿
聖主之司契邁遠軌於皇初登羣元於旗翼判提類
於華胥集三千界之琛賚通四萬譯之車書棧壑梯
山共效歌風於

禹服茆檐蔀屋咸思獻曝於

堯居

山呼

萬歲賦

擬韓愈

惟岳拱

宸惟

皇渙號

誠答

九閭歡臚四隩

福嚮賁其崇闕

誠感神其舞蹈氣呼吸而

帝座可通山岌業而

君圖是告懿夫

一人首出

萬福來同題五期以受籙冠四嶽者惟嵩峯岩巽而
達上土融結而居中闡珍符則自茲苞瑞章

至尊則於焉勒功爾其鉅響摩霄闕音奏石鳴盛應
時宣精中律靈霧糾縵似雲非雲清醜往來太室少
室總

祿位名壽以和聲合岱華恒衡而晉秩於是若遠若

近如霆如雷林傳風偃谷聽春同乍洋洋於廣岫旋
隱隱於崇垓氣暢中扣樂無形而有職言通熙皞人
何適而非臺若乃衍盛

堯齡推盈

羲策海屋籌添恒沙算積布淵紀之十千應貞期之
五百數惟萬聿彰

建國之模呼至三用表

登皇之迹爰有臯颺虎拜封祝衢歌賡諧寶獻總韻

晴阿際天人之交泰洽宮羽而胥和鈞奏調元則三
階鎮宿緣文貢彩則五老賓河遂乃木潤芝榮花腴
萼鬯披清籟於層岡舞祥飈於重闈迓

天聽之冲融播

德音之昭曠

荃提啟穆並雅頌以敷華

蘭秘揚仁儷謨韶而肅倡然後雲封檢玉星使繩金

嘉亨郁郁

上緯歆歆軼七十二家於在昔開

萬八千歲於方今詩頌九如繼升恒而卽言山壽圖
披五岳瞻峻極而倍企天臨

曼羨延洪合統京垓而衍

紀臚愉祝

嘏更彌章亥以同音